




XUNTA  
DE GALICIA



# Infeccións de transmisión SEXUAL

Son infeccións que as persoas poden adquirir cando teñen contactos sexuais vaxinais, anais ou buco-xenitais.

# Que son as infeccións de transmisión sexual (ITS)?

Son infeccións que as persoas poden adquirir cando teñen contactos sexuais vexinais, anais ou buco-xenitais.

Están aumentando por algúns cambios nos estilos de vida e costumes sociais experimentados nos últimos tempos.

## Que se nota?

Os síntomas máis frecuentes son:



**Nas mulleres.** Fluxo anormal na vaxina; chagas, bochas ou verrugas cerca dos órganos sexuais, ano ou boca; dor na pelve; proído arredor da vaxina; inflamación dun ou máis ganglios arredor da chaga; dor na vaxina na relación sexual; sangrado vaginal excesivo tendo ou non a menstruación; sangrado vaginal sen ter a menstruación ou tras a relación sexual; ardor ao orinar ou defecar.



**Nos homes.** Secreción pola uretra; chagas, bochas ou verrugas cerca dos órganos sexuais, ano ou boca; inflamación dun ou máis ganglios arredor da chaga; dor nos testículos ou arredor dos órganos sexuais ou inflamación; proído arredor dos órganos sexuais; ardor e dor ao orinar ou defecar.

**En moitos casos de infeccións de transmisión sexual non aparecen síntomas ou nótanse pouco.**



## Que consecuencias teñen se non se tratan?

As infeccións de transmisión sexual, se non se tratan, poden producir consecuencias graves tales como: esterilidade, abortos, problemas no embarazo, transmisión ao fillo/a, cancro de colo de útero, cancro de pene, cancro de ano, lesións cardíacas, enfermidades do sistema nervioso, etc.

As infeccións de transmisión sexual facilitan a transmisión do VIH/sida.



## Cales son as máis comúns?

Existen moitas diferentes e poden ser producidas por virus, bacterias, fungos e artrópodos.

As máis importantes son: tricomoníase, sífilis, gonorreia, clamidiase, VIH/sida, condilomas acuminados, herpes xenital, hepatites víricas.

Támén son frecuentes e molestos os piollos pato e a sarna.

## Como se collen?

A través do sexo vaginal, anal e buco-xenital, sen utilizar preservativo, cunha persoa que teña unha ITS.

É máis doado infectarse se se cambia a miúdo de parella ou se a parella habitual ten relacións sexuais con outras persoas.

Polas características destas infeccións moitas persoas descoñecen que están infectadas e son transmisoras.

**Non é cuestión de confianza senón de sexo seguro e de facer revisións médicas.**

## Como se poden evitar?

Utilizando sempre e correctamente o preservativo no sexo vaginal, anal e oral. O preservativo (masculino e feminino) é a mellor maneira de previr as ITS.

Falar coa parella sobre a vida sexual.

Acudir ao centro de saúde para unha revisión médica:


- Se tivo unha práctica sexual de risco (sexo sen preservativo, rotura do preservativo ...).
- Se nota algún síntoma das ITS.

## Que facer?

Se tes dúbidas de que tes unha destas infeccións ou enfermidades debes acudir ao médico/a de cabeceira. O diagnóstico e tratamento non son dolorosos. Canto antes se inicie o tratamento é menor a posibilidade de ter complicacións futuras.

A consulta é absolutamente confidencial.

Se tes un diagnóstico de infección ou enfermidade debes informar a parella ou parellas coas que tiveses relacións sexuais, insistindo en que acudan ao médico/a.





**Para máis información:**  
[plan.vih.its@sergas.es](mailto:plan.vih.its@sergas.es)



[www.sergas.es/Saude-publica/VIH-e-outras-ITS](http://www.sergas.es/Saude-publica/VIH-e-outras-ITS)  
[www.facebook.com/sexinvaders](https://www.facebook.com/sexinvaders)  
[www.instagram.com/sexinvaders/?hi=es](https://www.instagram.com/sexinvaders/?hi=es)  
[www.itsinvaders.com/hello-world](http://www.itsinvaders.com/hello-world)  
<https://www.youtube.com/watch?v=NTje-ODdADc>



**XUNTA  
DE GALICIA**



**Xacobeo 21-22**